

Եղիշե Պետրոսյան

ԲԱՖՖՈՒ ՊԱՏՄՎԱԾՔՆԵՐԸ

Բաֆֆու ստեղծագործության մեջ կարևոր տեղ են գրավում հեղինակի 70-ական թվականների սկզբներին գրած պատմվածքները, որոնք սկզբում տպագրվեցին «Մշակ»-ում և այնուհետև «Փռնիչ»-ի երկրորդ հատորում:

Հայ գրականության պատմությունից հայտնի է, որ Աբովյանի «Թուրքի աղ-ջիկ» պատմվածքից հետո մինչև 70-ական թվականների սկզբները, կարծես թե, մոռացության էր մատնվել դրական այս շատ կարևոր տեսակը: Այս բնագավա-ռում բացառիկ է Բաֆֆու մատուցած ծառայությունը: Նա շարունակեց և զար-գացման նոր աստիճանի հասցրեց Աբովյանի տրագիցիաները: Բաֆֆու պատմ-վածքներն առանձնակի արժեք են ստանում, մանավանդ, երբ այն գնահատում ենք հայ գեղարվեստական արձակի զարգացման այն մակարդակի պայմաննե-րում, երբ հրապարակվեցին այդ գործերը:

Հայ ժողովրդի քաղաքական, սոցիալական կյանքի պատկերումը Բաֆֆու ողջ ստեղծագործության ամենաբնորոշ առանձնահատկությունն է: Բաֆֆու պատմվածքներն աչքի են ընկնում ոչ միայն ժամանակի հայ հասարակական կյանքը հուզող հարցերի արծարծմամբ՝ գաղափարայնությամբ, այլև գեղար-վեստական մշակմամբ, լեզվական բարձր կուլտուրայով: Այդ պատմվածքնե-րում կարմիր թելի պես անցնում է հեղինակի ընդգծված դեմոկրատական տենդենցները՝ անկաշառ սերն ու կարեկցանքը դեպի սոցիալական կյանքի զոհերը և անսահման զայրույթն ու ատելությունը դեպի ամեն կարգի բռնա-կալները, շահագործողները: Բաֆֆու պատմվածքների մի այլ բնորոշ կողմը թեմատիկ հարստությունն է, հայ ժողովրդի տարբեր հատվածների կյանքի արտացոլումը: Բաֆֆին անսահմանորեն ընդլայնեց հայ գեղարվեստական արձակի ընդգրկման սահմանները, խորացրեց քննադատական ռեալիզմը: Ոչ թե կույր սնապարծությամբ, այլ խոր ճշմարտությամբ են առկայում մեծ վիպասանի խոսքերն այս մասին:

«Մեզանից առաջ դեռ ոչ մի վիպասան տեղադրություն չէր դարձրել Պարս-կաստանի հայերի դրության վրա: Մենք նկատեցինք նրանց աննախանձելի կյանքի պատկերները, երբ գրեցինք «Գեղեցիկ Վարդիկը», «Սովը», «Կուսա-գրությունը», «Անրախտ Հոփսիմեն», «Մի օրավար հող» և այլն»¹:

Բաֆֆին պարսկահայ էր և լավ գիտեր պարսկահայոց տնտեսական քա-ղաքական կյանքը՝ բոլոր մանրամասներով: Անդրադառնալով ժողովրդական մասսաների, աշխատավոր գյուղացիության տնտեսական դրությանը, Բաֆֆին պատմվածքներից մեկում գրում է.

«Նոքա գործում են, նոքա շարշարվում են, նոքա վաստակում են, բայց ո՛ւմ համար, աղայի, կալվածատիրոջ համար. նոքա ուրիշների շահերին ծա-ռայող դժբախտ մեքենաներ են»:

¹ Բաֆֆի, Վիպագրությունը ուսահայերի մեջ, Մշակ, 1889, № 9:

Րաֆֆին իր պատմվածքներում, մի քանի վեպերում պատկերել է հայ ժողովրդի այդ հատվածի նմանօրինակ ստրկական կյանքը։ Նա չի բավարարվում սոսկ իրականության անտարբեր պատկերմամբ։ Րաֆֆին, ավելի քան որևէ այլ հայ գրող, մարտական, քաղաքական կռվի տենդենցներ հարուցող հեղինակ է։ Իր պատմվածքներում Րաֆֆին կարողացել է գեղարվեստական ցնցող պատկերներով համոզիչ դարձնել, որ իրոք Պարսկաստանը մի «արնախում երկիր է, որ շնչում է ասիական բռնակալության սարսափելի ոգին»։

Տրագիկական կյանքը տրագիկական պատկերների աղբյուր է։ Այդպիսի տրագիզմով են ներծծված Րաֆֆու գրեթե բոլոր պատմվածքները և հատկապես պարսկական պատմվածքաշարքը։

Ագրարային հարցը, դրանից սերտորեն առնչվող պանդխտության հարցը Րաֆֆու պատմվածքներում, վեպերում շոշափված կենտրոնական հարցերից է։ Րաֆֆին պանդխտությունը դիտել է տրպես սոցիալական երևույթ, սոցիալական շարիք և այս ոչ միայն «Մի օրավար հող» պատմվածքում, այլև հետագա շրջանի աղմուկ հանած վեպերում, հատկապես «Կայծեր»-ում։ Սեփական հողապատառի կարոտ գյուղացի Մարտիրոսը հոգեկան անհուն բավականություն է մշակում աղայի՝ Ռիզա բեկի կողմից նվիրված մի օրավար հողը։ Բերքահավաքից հետո գալիս է կալվածատիրոջ գործակալը։ «Ցորենը չափեց, տասնորդը վեր առավ որպես հողի վարձ, մի մասը վեր առավ Դիվանի տուրքի փոխարեն, մի մասը վեր առավ իրանց սերմի փոխարեն, մի մասը վեր առավ նրա պարտքի տոկոսի փոխարեն, կալի մեջ մնաց միայն հարդը՝ և այնքան ցորեն, որ չէր բավական խեղճ երկրագործի նույնիսկ ձմեռվա ապրուստին»։

Ի՞նչ է մնում պարտքի տակ ձմեռված կարիքախեղ գյուղացուն, եթե ոչ պանդխտության դիմելը։

«Կգնամ, Սոնա, երկրե երկիր ման կգամ, կմաշվեմ, կտրորվեմ, փող կվաստակեմ և կազատեմ քեզ և երեխաներին պարտքերից», — ասում է դժբախտ Մարտիրոսը կնոջն ու հեռանում հարազատ օջախից։ Խորամանկ աղան մի քանի օր հետո, գիշերը այցելում է Սոնային և փորձում է նրան տիրանալ։ Պատվազգաց կինը ճարպկությամբ համիշտակում է աղայից դաշտայնը և սպանելով նրան փախչում։ Աղայի ծառաները հետապնդում և տանը բռնում են Սոնային։

«Մենք կտրանք բացագանչում են բտլորը»։

Պատմվածքում Րաֆֆին ռեալիստորեն կարողացել է պատկերել սոցիալական շատ ուռուցիկ միջավայր և կենդանի բնավորություններ։ Մարտիրոսը՝ հայրենի և օտար կեղեքիչներից ծեծկրտված, հյուսթաքամված, խեղճ ու եսիր գյուղացու տիպիկ ներկայացուցիչն է։ Կարիքը, աղքատությունը խեղճացրել է նրան։ Որքան ռեալիստական է նրա երազանքը՝ սեփական հողակտոր ունենալու մասին։

Նույնքան կենդանի է Սոնան՝ Մարտիրոսի կինը։ Նա ամուսնական ուխտին հավատարիմ, աշխատասեր, պատվազգաց գեղջկուհի է։

Րաֆֆին պարսկական պատմվածքներում պատկերել է ըմբոստ, շարիքին, բռնությանը հակադրվող համարձակ կանայք, որոնք կյանքի գնով իսկ պատրաստ են պաշտպանելու սեփական պատիվն ու սուրբինի անունը։ Այդպես է Սոնան։ Այդպիսին է գեղեցիկ Վարդիկը։

¹ Րաֆֆի, Երկերի ժողովածու, հատ. 1, 1949, էջ 363—364։ Հաջորդ լուրջ մեջբերումները կատարված են այս հրատարակությունից։

Բաֆֆու պարսկական պատմվածքները աչքի են ընկնում շեշտված հակաֆեոդալական տենդենցներով։ Պարսկական բռնապետական կարգերը, կալվածատիրական հողատիրությունն ու ճորտական աշխատանքը, ահա պարսկահայերի (ո՛չ միայն պարսկահայերի) թշվառության, դժբախտության պատճառներն ըստ հեղինակի։ Այդ մենք տեսնում ենք «Գեղեցիկ Վարդիկը» պատմվածքում։

«Ի՛նչ է մեր կյանքը, ի՛նչ բանի է պետք նա, մղկտում է գեղեցիկ Վարդիկի մայրը։ Միայն նրա համա՛ր պիտի ապրենք, որ տնով, տեղով, որդիներով ապրենք ու գործենք խանի համար։ Մեզանից ավելի բախտավոր չե՛ն վայրի անասունները, նրանք խան չունեն, նրանք բեկ չունեն, նրանք ազատ են, նրանց առաջ միշտ բաց է աստծու սեղանը»¹։

Բաֆֆին անսահման ատելությամբ է լցված դեպի ամեն կարգի բռնակալական սիստեմ, մանավանդ այն օրինականացնող, «մի կալ հակառակ չարին» «քրիստոնեական պատգամը»։ Ե՛վ «Սալբի»-ում, և՛ հետագա բոլոր գործերում սա հետևողականորեն պաշտպանում է բռնությանը, չարին ընդդիմանալու, դիմադրելու իդեան։

Բաֆֆու պարսկական պատմվածքներում կանայք պատկերված են ռոմանտիկական երանգով, որն առավել հմայիչ է դարձրել նրանց։ Հեղինակի ձեռք-տոմսն էլ հենց այդ է։

Իրականության ռեալիստական պատկերմամբ և գաղափարական բովանդակությամբ շատ արժեքավոր է Բաֆֆու «Անբախտ Հոփսիմեն» պատմվածքը։

Իթե «Գեղեցիկ Վարդիկը» պատմվածքում հայ կնոջ-աղջկա կյանքի ողբերգական անկման պատճառը օտար հարստահարիչն էր, ապա այստեղ՝ ընդհակառակը։ Բաֆֆին պատմվածքում ցույց է տվել հայ և պարսիկ շահագործողի դասակարգային կապը։ Նրանք հովանավորում են միմյանց։

Պատմվածքում ցույց է տրված դրամական հարաբերությունների զարգացման հետևանքով մարդկանց կյանքի, մտայնության վերափոխումը։ Հոփսիմեի հայրը՝ Մահտեսի Հակոբ պարզապես վաճառում է աղջկան՝ շլացած Մելիքի հարստությունից և այն հեռանկարից, որ սպասվում էր Մելիքի բարեկամությունից։ Շատ բաշլրղ կառնենք, նա կօգնի մեզ գյուղի գործերում, մեզ թե ու թիկունք կդառնա, գյուղացիք մեզանից կվախենան, մեր ցանքի ջուրը չեն կտրի, մեր արտերը չեն փշացնի։ Խանը մեզանից ավելի հարկ չի կարող առնել, մի խոսքով նա մեզ ամեն շարից կպաշտպանե²։ Այսպես է դատում Հոփսիմեի հայրը։

Հոփսիմեն ծնողների բռնության զոհն է։

Բաֆֆին և՛ այս և՛ հետագա մեծածավալ գործերում զեղարվեստորեն պատկերել է հայ կնոջ ծանր, ստրկական վիճակը, նրա ողբերգական անկումը դրամական հարաբերությունների զարգացման հետևանքով։

Բարձր համոզում ունի Բաֆֆին մարդու մասին։ Ըստ նրա բոլոր մարդիկ, անկախ իրենց ազգային պատկանելիությունից և կրոնական դավանանքից ստեղծված են իրար սիրելու, միասին ապրելու համար։ Իր ուղեգրություններում նա պատմում է մի ծերունու մոտ իր հյուրընկալվելու մասին և ապա

¹ Բաֆֆի, Ծրկերի ժողովածու, հատ. 1, 1949, էջ 329։

² Նույն տեղում, էջ 344։

վերջում ավելացնում. «Ես չուզեցի ասել պարզամիտ ծերունուն, թե մարդիկ միասորինակ ստեղծվածներ են. թե նրանց մեջ ամենևին խտրություն չկա, թե մահմեդականը, թե խաչչիկը և թե քրիստոնյան, բոլորն էլ եղբայրներ են»¹:

«Բիրի-Շարաբանի» և ավելի ուշ գրած «Խասիուշներ» պատմվածքներում Րաֆֆին գեղարվեստորեն ցույց է տվել, որ պարսկական, ֆեոդալական բռնապետական կարգերը հավասարապես ծանր ու կորստաբեր են նաև պարսիկ գյուղացիության համար: Նրանք էլ են տանջվում, շահագործվում: Նրանց բախտն էլ է խորտակվում: Այս առումով առանձնակի արժեք ունի հեղինակի 1886 թ. գրած «Խասիուշը» պատմվածքը: Հայ կլասիկ գրականության մեջ Րաֆֆին է առաջին անգամ պատկերել ժողովրդական մասսաների մոլեգին զայրույթը, ատելությունն ու ցասումնալի տարերային խռովությունը հայրենի տերերի դեմ:

Պատմվածքում Րաֆֆին թանձր գույներով պատկերել է Թեհրանի հատակի մարդկանց՝ խասիուշների ծանր, կիսաքաղց առօրյան, նրանց ողորմելի կյանքը: «Նրանք ոչինչ չունեն, նրանք երկյուղ էլ չտան: Նրանց մոտ էր իրանց մերկ անձր միայն, որից վաղուց կցանկանային ազատվել»²:

Սովահար ամբոխը Ահմեդի գլխավորությամբ հարձակվում է քաղաքի հարուստներից մեկի ապարանքի վրա: Խորտակում, ոտնատակ տալիս ամեն ինչ:

Պատմվածքում ռեալիստորեն պատկերված է ոչ միայն խասիուշների զայրույթը, այլև նրանց մտայնությունը:

«Ահա մեր թշվառության ու աղքատության սկզբնապատճառը. — ասում է ծերունի Ահմեդը: Եթե այդ ամենահարուստ Հաջին այնքան ազահ շլիներ, մենք քաղցած չէինք մնա: Նա խլեց մեր հացը և յուր համար ապարանքներ շինեց: Քանդեցեք այդ ապարանքը, որ անիրավության արդյունքով է կառուցել: Քանդեցեք, և իր սեփական տան աղյուսներից, որոնք մեր արյունով և արտասունքով են շաղախված, քարկոծեցեք այդ մարդուն...»:

Եվ ահա խասիուշներին հաջողվում է տեսնել թագավորին: Րաֆֆին կարծես համամիտ է խասիուշներից մեկի՝ Ջաֆարի կարծիքին, այն մասին, որ «թագավորը յուր ժողովրդի պետքերն ու պահանջները հասկանալու համար, կամ ինքը պետք է մոտենա ժողովրդին, կամ պետք է թույլ տա, որ ժողովուրդը մոտենա իրան»³:

Հեղինակը կարողացել է ճշմարտացիորեն արտացոլել Պարսկաստանի այս ծայրահեղորեն հարստահարվող հասարակական խավի մտայնությունը: Խասիուշները իրենց թշվառության պատճառը համարում են տեղի անգութ մարդկանց բարձրաստիճան պաշտոնյաներին, որոնք թագավորին չեն հաղորդում իսկությունը: Այդպես է դատում խասիուշների ղեկավարներից Ջաֆարը:

«Աղքատ ժողովուրդը հաջիների ցորենով ու ալյուրով լի ամբարների պատերի մոտ քաղցից մեռնում է: Նրա լացը, նրա ողբը, նրա աղաղակը թույլ չեն տալիս, որ մինչև թագավորի ողորմած լսելիքը հասնե: Ստախոսները, շողոքորթները, խաբեբաները միշտ հրապուրում են այդ անաչառ լսելիքը, ամեն

¹ Րաֆֆի. Երկերի ժողովածու, հատ. 1, 1949, էջ 505:

² Նույն տեղում, էջ 503:

³ Նույն տեղում, էջ 509:

ինչ լավ ցույց տալով, ճշմարտությունը քողարկելով, ստորությունն իբրև ճշմարիտ ներկայացնելով¹։

Իր աշխարհայացքի պատմական սահմանափակության պատճառով Բաֆֆին անցյալ դարի 80-ական թվականներին չհասավ և չէր էլ կարող հասնել դասակարգային պայքարի, պետության դասակարգային բնույթի, ինչպես և ժողովրդական մասսաների դերի ճիշտ և խտրը ըմբռնմանը։ Բայց նա մեր գրականության մեջ առաջինն էր, որ պատկերեց տերերի դեմ ուղղված մասսաների ուժը, տարրերային զայրույթն ու ցասումը։ Իսկ այս անցյալ դարի 80-ական թվականներին՝ անպայման մեծ բան էր։ Պարսկական պատմվածքներում շատ ավելի կարևոր է հեղինակի լուրջ տենդենցը՝ պատկերելու հարստահարվածների կյանքը, նրանց ծանր առօրյան, ժողովրդական մասսաների կրած անլուր թշվառությունները, հարստահարողների դաժանությունը և շարախինդ ծիծաղը, նրանց պետական բարձրաստիճան մարդկանց կապն ու փոխադարձ կախումը։

Պատկերելով այս ամենը, Բաֆֆին կանգնած է ժողովրդական մասսաների կողմում, հրահրելով նրանց մեջ բռնությանը ընդդիմանալու «րոշակի տրամադրություններ։ Բաֆֆու աշխարհայացքի այս կողմերն առավել ցայտոմնությամբ դրսևորված են անդրկովկասահայ իրականության հասարակական տարբեր խավերի կյանքը պատկերող պատմվածքներում։

2

Բաֆֆու պատմվածքների մասին խոսելիս, մեր քննադատությունը սովորաբար սահմանափակվում է հեղինակի պարսկական պատմվածքներով, մոռացության մատնելով նրա այս շրջանի մի շարք խիստ արժեքավոր և մեծ մասամբ ռեալիստական պատմվածքներ, որտեղ Բաֆֆին պատկերել է հայ բուրժուազիայի ապականված բարքերը, հատակի մարդկանց վիճակված կյանքի ողբերգությունը, դրամական հարաբերությունների զարգացման կործանարար հետևանքները։ Բաֆֆու այս պատմվածքներում առավել ուժով է դրսևորվում հեղինակի ստեղծագործությանը հատուկ իրականության քննադատությունն ու պատկերման ռեալիստական տենդենցները։

Այսպիսի գործեր են Բաֆֆու «Անմեղ վաճառք», «Տնային փեսա», «Ուխտյալ միանձնուհի», «Սպանդանոց» և այլ գործեր, որոնցից ամեն մեկը մի իսկական ցնցող դրամա է։

Հատակի մարդկանց կյանքի մի ողբերգական էջ է պատկերված «Անմեղ վաճառք» պատմվածքում։

Բաֆֆին այս պատմվածքում հանդես է գալիս որպես «Փողի իշխանության», որպես բուրժուական դորշ իրականության քննադատ և պատկերող։ Նա այստեղ իրար է հակադրել սոցիալական երկու տարբեր խավերի՝ հարուստներին և իրենց կյանքը հալիվ քարշ տվող հատակի մարդկանց։ Մի կողմում ապականված ընտանեկան բարքեր, դրամի աստվածացում, անգթություն և օտարացում ժողովրդից, մյուս կողմում ընդհակառակն։ Ատելով առաջիններին, Բաֆֆին անկաշառ սիրով նվիրված է հատակի մարդկանց։ Այդ է, որ արժեքավորում է հեղինակի այս և այս կարգի մյուս գործերը։ Բուրժուական հա-

¹ Տես Բաֆֆի, Երկերի ժողովածու, հատ. 1, 1949, էջ 309։

րաբերությունները, ահա պատմվածքի հերոսուհիների՝ Քեթևանի և Մարիամի ողբերգության պատճառը, Նիկոլի սիրո խորտակման պատճառը: Հարուստները զվարճանում են, իսկ աղքատները կործանվում, այս է պատմվածքից բխող անմիջական եղրակացությունը:

Րաֆֆին կարողացել է պատմվածքի գաղափարական այս հարուստ բովանդակությունը մարմնավորել, կենդանի, ռեալիստական կերպարներում: Այստեղ նա իրար է հակադրել երկու տարբեր կյանքով և ձգտումներով ապրող մարդկանց:

Ահա պարտապան բոշա Կարապետը: Մի անգույթ վաշխառու, որի համար ոչ մի նշանակություն չունի այրի Քեթևանի լացն ու աղաղակը: «Գլուխը չես կարացի տալ, շահն էլ ա տուր... ասում է նա հիվանդ պարտապան կնոջը: Ի վերջո բոշա Կարապետը պարտքի դիմաց դիվական սառնասրտությամբ վերդրել է տալիս Քեթևանի ողջ ունեցվածքը:

«Էդ ինչ որ տեսնում ես, ամենը գրե, պատվիրում է պարտքատերը գրագրին, էդ կողենքը գրե, որի մեջ հիվանդը պառկած է, էդ տախտը գրե, էդ հավերը գրե, էն պստիկ պղինձը գրե, էդ ավելը, էդ շաքմեքը գրե...¹:

Այս կարգի մարդ է նաև պարոն Ք...ն: Որքան հարուստ, այնքան դժուր, որքան տգետ, այնքան փողապաշտ: Փողը սպանել է նրա մեջ ամեն մարդկայինը: Լքելով կնոջը, նա պարզապես դնում է Մարիամին: Վերնախավերին Րաֆֆին հակադրել է հալալ աշխատանքով ապրող մարդկանց՝ Մարիամին, Քեթևանին, Նիկոլին:

Բարի, սերազգաց մայր է Քեթևանը: Ապրուստի պայմանները հարկադրում են նրան և մատաղահաս աղջկան դռն-դուռ ընկած սրա-նրա տանը լվացարարությամբ վբաղվելու:

Մարիամը դեռատի, գեղեցիկ աղջիկ է: Նա պատանեկան անկեղծ սիրով սիրում է Նիկոլին: Անձնվիրաբար աշխատում՝ հարազատների ապրուստը հոգալու, հիվանդ մորը ապաքինելու համար:

Սրանք են Րաֆֆու կերտած բնավորությունները: Հակադիր կյանքի պայմանները դասակարգային պատկանելիությունը իր ուժեղ դրոշմն է դրել նրանց բնավորության և վարքագծի վրա: Ծիշտ է, մարդիկ դեռևս ամբողջական բնավորություններ չեն, նրանք ավելի շատ դիմանկարներ են, բայց կենդանի են, լիարյուն, որոնք իրենց մտայնությամբ և գործելակերպով դրսևորում են հասարակական այս կամ այն խավին հատուկ բնորոշ կողմերը:

Հիանալի պատմող է Րաֆֆին, Առանձնապես լավ են այն էջերը, որտեղ նա պատմում է Քեթևանի ընտանեկան ողբերգությունը, պատմվածքի լեզուն սահուն է, հստակ, օրինակելի: Բնավորությունները առավել ցայտուն, տեսաճեղի են դարձրել Թիֆլիսի բարրառի մասնակի օգտագործումը:

Տրագիկ վախճան ունեն Րաֆֆու գրեթե բոլոր պատմվածքները: Այս բացահայտում է հեղինակի մտայնությունն այն մասին, թե բուրժուական հարաբերությունների զարգացումն իր հետևից բերում է մարդու հոգեկան աշխարհի ավերումը, հասարակ մարդկանց երջանկության խորտակում: Րաֆֆին դեղարվեստորեն պատկերել է մարդկանց դառն առօրյան նրանց կյանքի անմխիթար պատկերները, որ և հարկադրում է կատարելու անկարելին՝ անմեղ վաճառքի հանելու իրենց հարազատներին: 19-րդ դ. 70-ական թվականներին

¹ Րաֆֆի, Երկերի ժողովածու, հատ. 1, 1049, էջ 19:

Սունդուկյանը դրամատուրգիայում, Բաֆֆին իր պատմվածքներում, գեղարվեստորեն պատկերել են այն հակամարդկային, ստոր առևտուրը, որ կատարվում է ամուսնության բնագավառում:

Կապիտալիզմի զարգացումը տակն ու վրա է անում ընտանեկան երբեմնի նահապետական, սրբազան համարվող հարաբերությունները և տեղը դնում կանխիկ հաշիվը: Փողը դառնում է ամեն ինչի չափանիշը:

Սեր, նվիրական զգացումներ, ամեն բան ի սպաս է դրվում մերկ շահի, փողի համար: Այս ստոր առևտուրը խորապես հասկանում են և Սունդուկյանի և Բաֆֆու հերոսները, որն ավելի ողբերգական է դարձնում նրանց առօրյան, թունավորում կյանքը, ինչպես այդ տեսնում ենք Բաֆֆու «Տնային փեսա» երկում: «Դու՛ն փուղ ասա, փուղ, անխիլք, հիմա մեր սիրելն ու՛ է հարցնում... Հազար կուզե աղջիկը սիրե, հազար կուզե տղեն սիրե, ու՛ է այնումը գցում, դանգատվում է պատմվածքի հերոսներից դժբախտ նատոն: Նրանք էնենց կու մաշվին, էնենց կու մեռնեն ու իրանց սերն էնենց գերեզմանը կտանին, ու դովրը էլի փողավորին է մնում...»: «Անիծվի էդ թավուր ադաթը... նրա մոգոնողի տունը քանդվի» ատելությամբ դանգատվում են կանայք:

Պատկերելով հայ կնոջ այսօրինակ վիճակը, Բաֆֆին խորտակվող մարդկանց լախտին ցավակից, խորին կարեկցանքով այս մասին գրում է. «Ցավալի դրություն, երբ ամուսնական շղթան դարձնվում է արծաթի օղակներով»: Բաֆֆին իր բոլոր երկերում հետևողականորեն պաշտպանել է ազատ սիրտ, փոխադարձ համաձայնությամբ կատարվող ամուսնական տւխտը, մի ցանկություն, որ, սակայն՝ դատապարտվել է անիրադրոժելիության, դիպչելով դաժան իրականության ժայռին:

«Տնային փեսա» պատմվածքում ավելի կենդանի և ռեալիստական են մարդիկ:

Ահա Շուշանը: Կարիքի, խեղճության տակ կքած մի կին:

«Խեղճութիւնը դժար բան է,— ասում է նա,— էսօր առուումեն կցած մատներս տորովեցան շատ լվածք անելեմեն»:

«Ինչ անեմ, վո՛ւր ջուրն նըկենեմ... աղջիկս հասիլ է, մոտ տասնութ տարեկան է դառի, հիմա մարդու տալու վախտն է: Մենք երկուսս էլ աղքատ մարդիկ ենք: Դու ձիվ կարում ես քու ուրագով միր օրական հացը դադել: Ես էլ տեսնում իս, ինչպես շարշարվում իմ, ջեր էս ամիսվա տան քրեհը շիմ կարացի տալ: Տան տերն ամեն օր դլուխս տանում է: Փող է ուզում: Դե՛հ, արի ու գու փուղ ու բաժինք բեր, վուր աղջիկդ իրա ուզած մարգին տա: Վո՛ւր տեղից պիտի բերես: Ու առանց փուղ ու բաժինքի էլ, դու գիտես, վուր մեր քաղաքումն աղջիկ չին ուզում: Անիծվի էդպես ադաթը...»¹:

19-րդ դարի 70-ական թվականների սկզբներում Անդրկովկասում երևան եկան «առաջին ծաղիկները»՝ գործարանները: Զարգացման նոր թափ ստացած բուրժուական հարաբերություններն իրենց ետևից բերում էին նոր բարքեր, սովորություններ: Առանձնակի ուժով էր արտահայտվում դրամի կուլտոր, կուտակման մոլուցքը: Ունեցողները դժգոհում են ավելորդ ծախսերի տեղիք տալուց, շունեցողներն անիծում են իրենց օրը: Այս շրջանի հայ գեղարվեստական արձակն ու դրամատուրգիան շատ են անդրադարձել այս հարցերին:

¹ Բաֆֆի, Երկերի ժողովածու, հատ. 1, 1949, էջ 397:

Սունդուկյանի մի քանի կատակերգությունները, Րաֆֆու մեր քննության ենթակա պատմվածքներն այս ամենի գեղարվեստական արտացոլումն են:

Գեղարվեստական երկի փոքր ֆորման լայն հնարավորություններ չի ընձեռել հեղինակին ավելի խոր և բազմակողմանի պատկերելու պատմվածքում դործող կերպարներին: Նրանք սակավ են երևում: Չնայած դրան, կենդանի են, ռեալիստական: Րաֆֆին կարողանում է մարդկանց պատկերել իրենց կոնկրետ բնորոշ միջավայրում: Այսպես է Շուշանը, այսպես է միջնորդ Մաքթաղը, մի ճարպիկ, լեզվանի կին, որի համար շահից զատ չկա ոչ մի սրբություն:

Ամենից ծանր նման պայմաններում նոր սերնդի դրությունն է, որը հասկանում է իր տրագիկական վիճակը, զգում է իր անզորությունը:

Սիրո, կենցաղի հարցերն արծարծելիս, Րաֆֆին գրեթե միշտ ավելի կամ պակաս շահով շոշափում է կանանց ընտանեկան դաստիարակության հարցերը: Այս խնդիրները հարուցելիս Րաֆֆու քննադատական մերկացումները խիստ են, արտահայտված մտքերը՝ պատմականորեն անպայման պրոգրեսիվ և առաջավոր:

Ըստ Րաֆֆու՝ մարդկանց, հատկապես նոր սերնդի անձնական երջանկությունը խորտակվում է ոչ միայն փողի իշխանության, այլև հետամնացության, սնահավատության պատճառով:

Րաֆֆին փորձում է խորամտվա լինել մարդկանց խորտակման հասարակական պատճառների մեջ: Եվ նա այստեղ մատը դնում է վերքին, ցույց տալով այն ստրկական վիճակը, որի մեջ գտնվում է հայ կինը, հայ դեռատի օրիորդը:

Հայ ընտանիքում, ըստ Րաֆֆու, չկա ընտանեկան առողջ դաստիարակություն: Սոնայի համար («Ուխտյալ միանձնուհի») «ընտանեկան փակ շրջանը միշտ ունեցել է խավար բանտի նշանակություն, որովհետև նա մեծանում է ծնողների «երկաթի հսկողության ներքո»: Սոնան իր հայրենական օջախում միշտ իրեն զգում է կալանավորված: Ծնողների կամքը նրա համար անրեկանելի օրենք է: Հասունանում է: Ամուսնության, նոր կյանքի հարցերն բնականաբար ծառանում են աղջկա առաջ: Այստեղ էլ նա իր կամքի, իր բախտի տեր է: Աղջկա բախտը վճռում են ծնողները: Ամուսնությունը տեղի է ունենում մեծ մասամբ նյութական ակնկալումներից ելնելով: Աղջկա համար ստեղծվում է մի նոր, ավելի ծանր վիճակ:

Այս աննորմալ վիճակն էլ պատճառ է դառնում, որ աղջիկը լքի ծնողներին, փախչի: Այսպիսի անհաջող փորձ է անում Սոնան: Նրա փախուստը ոչ այլ ինչ է, եթե ոչ ըմբոստացման քայլ՝ ծնողների «երկաթի հսկողության» դեմ:

Պետք է վերացնել ընտանեկան նմանօրինակ կորստարեր դաստիարակությունը, այն դարձնելով ավելի բանական, ազատ: Պետք է աղջիկը ինքն ընտրի իր ապագայի ընկերոջը: Վերջ պետք է տալ բռնի, մանավանդ նյութական շահախնդրություններով կատարվող ամուսնություններին:

Այսպես է լուծում Րաֆֆին կանանց հարցը իր այս և մի քանի այլ պատմվածքներում: Իհարկե նրա մոտ բացակայում է կնոջ ազատագրության հետ կապված հարցերի առավել խոր ըմբռնումը: Նա գեղարվեստորեն, համոզիչ պատկերներով ցույց է տալիս հայ կնոջ ստրկական վիճակը, ամենևին այն չկապելով տիրապետող հասարակական հարաբերությունների հետ: Սահմանափակ է կնոջ ազատագրության ըմբռնումը, որ հեղինակն արծարծել է իր այս և այլ գործերում: Իսկ այն պատմականորեն վերին աստիճանի առաջա-

որմական, պրոգրեսիվ պահանջ էր, և ուղղված էր հին, ֆեոդալական, հետա-
մնաց ընտանեկան հարաբերությունների դեմ:

Մենք վերևում ընդգծեցինք, որ Բաֆֆու պատմվածքների գերակշռող մա-
սի թեման աշխատավոր դանդաղների շարքաշ կյանքն է, նրանց տրոհումը,
անկումը բուրժուական հասարակության մեջ: Բաֆֆու մոտ կյանքի ողբերգա-
կանը երբեմն արտահայտվում է արտասովոր տեղով:

«Ուլ է մեղավոր»-ը Բաֆֆու, ինչպես և հայ կլասիկ դրականության աչքի ընկ-
նող պատմվածքներից է, որտեղ հեղինակը արժարժեք է մի շարք նոր հարցեր,
դերադանցապես կապված գլխավոր հերոսի՝ Միքայել Բաքոսյանի գործունեու-
թյան հետ: Բաքոսյանը, հակառակ փողասեր և գծուծ հոր ցանկություն, իրեն
նվիրում է հասարակական գործունեության, մոռնիկից շփվում պանդուխտ-
ների հետ, մասնակցում Զեյթունի ապստամբությանը: Նա դադարաբեկական
երես է, որ գործում է «Ամբոխին» գիտակցության բերելու, նրան մարտի
մղելու համար:

Իր ստեղծագործության արշալույսին իսկ, ինչպես նշեցինք, Բաֆֆին քա-
նիցս անդրադառնալով պանդուխտությանը, միշտ նշել է այն որպես հասարա-
կական շարիք, որի հիմնական պատճառը ոչ թե հայ շինականի օտարասիրու-
թյունն է, այլ տնտեսական պատճառները, կարիքը, պարտքը: Այսպես, մի
ծեր մշակ հետևյալ կերպ է նկարագրում իր և նմանների վիճակը.— Քո խոքուն
դուրբան ըլեմ, աղա ջան, պատասխանեց մի ալևոր սալմաստեցի, վալ կըթող-
նի յուր վաթանը, իր օջախը, վա իր օղուշաղը, կերթա դարիք-դարբաթ վըլա-
յաթ, ալառ էն մարդը նաչար հաղդարի և շարամանդա չըլի... Մեզնի ըմն մեկը
մէ դարդ ունի, մէ ցալ ունի, որ դար խըմար ընկեր ի դիարրիդար... Թուրքի ու-
յաթ ենք աղա ջան, մէ թեխանց աղան զոռ անելի, խարջ ուղելի, մէ թեխանց
դիվանի զոռ անելի, մեղիկ թալանելի, մէ թեխանց պառքնդերը մեր լաճերը
փողի ալաղ տանելի որ տաճկուցի... էտենց խաղարը մեկ զուլումներ կան
որ մեկը ասեմ...»¹:

Թշվառ պանդուխտի այս սրտահույզ խոսքերը, այնպես են ազդում Բա-
քոսյանի սրտին, «մինչ նա լաց լինելու չափ վրդովեցավ»²:

Բաֆֆու հերոսի ազնիվ դեմոկրատական մտայնությունը, նրա հայրենա-
սիրությունը կասկածի ենթակա չէ ամենեին, նկատենք և այն, որ Բաքոսյանի
խոսքը և գործը չեն հակասում իրար: Նա իր կյանքը զոհաբերում է հարադատ
ժողովրդի քաղաքական ազատագրության մեծ գործին:

Նրա անձնական կյանքի տրագիկ, բայց և հերոսական վախճանը լավա-
զույն ապացույցն է Բաֆֆու դրական հերոսի ժողովրդասիրության և հայրե-
նասիրության: Բաքոսյանը, նրան կերտող հեղինակ Բաֆֆին, իրենց դարի մար-
դիկ էին, և նրանց աշխարհայացքում անմտություն կլինի, որ մենք չգտնե-
ինք լիրերալիզմի տարրեր: Բաքոսյանները սակավ էին, ևզակի: Այս հանդի-
մանքը ազդել է նրա առավել կենդանի և լիարյուն պատկերմանը: Նրա մոտ
կարելի է նշել մտքեր, որոնք անմիջապես հեղինակից են փոխանցվել, ու-
մանտիկական գունավորում հաղորդել Բաֆֆու դադարաբեկական հերոսին:
Ազնիվ, ժողովրդի ազատագրության իդեաներով խանդավառված Բաքոսյա-
նին հակադրված է նրա հայր Փողասիյանը, մի վերին աստիճանի շահամու-
ղործական մարդ իր բոլոր արարքներում:

¹ Բաֆֆի, Նրկերի ժողովածու, հատ. 1, 1949, էջ 163:

² Նույն տեղում, էջ 153. ընդգծումը մերն է:

*
*
*

Այսպիսով, Րաֆֆին իր պատմվածքներում աշխատավորության սոցիալական դառն կյանքի արտացոլմամբ քննադատել է հասարակական այն հարաբերությունները, որտեղ խորտակվում են նրանք: Աշխատավոր մարդկանց կյանքի ողբերգական անկումը բացահայտում է Րաֆֆու թշնամանքը դեպի ֆեոդալական բռնապետությունը, փողի իշխանությունը, դեպի լուրժուական նոր հարաբերությունները և ջերմ, անսահման սերն ու գորովը դեպի սոցիալական կյանքի զոհերը:

Խոր գաղափարայնությամբ տոգորված Րաֆֆու պատմվածքները սոցիալական կյանքի պատկերներ են, առլեցոմն բարձր հումանիզմով և ազնիվ դեմոկրատիզմով:

Րաֆֆին իր պատմվածքներով առաջ մղեց, զարգացման նոր աստիճանի հասցրեց պատմվածքի ժանրը, այդ կերպ իսկ ուղենշելով Սուրաջանի, Նար-հո-ջի, Շիրվանզադեի ստեղծագործական ճանապարհն այս ուղղությամբ: